

Garrasia!

Erria dot garrasiz
«Aske, aske nadin...»
Euri-otsa bidean,
aizea zinkulin.

Goi-aldean burrunbaz
jaun jaku trumoia:
-zigorra, eriotza-
illa bidez doa.

Bide egalak iltegi,
etxeak lur-jorik;
asarre dabilkigu
erio zororik.

Erria dot garrasiz
«aske, aske nadin...»
Aske izateak, baiña,
beragaz dau samin.

Bizkor doa eguna,
ta erria intziriz;
arin dator illuna,
t'erria garrasiz.

Eta nik diñot, itun:
«Zetan zara, Jainko?
Betiko al gaituzu
min-aldian ito?»

IGOTZ